



• EDITORIAL • RÂL VÊNGTU • CHHÛNGKAW CHANCHIN

- » Delhi Mizo Presbyterian Church West hawn a ni
- » CKTP huaihawt ram pum huap ÷awngtai rual
- » Kohhran hming ziah dân

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXIII


No. 10

E-mail: synodnews@gmail.com

OCTOBER, 2018

LÂWRKHAWM

SYNFO PRAISE ON 2018 THAWH HNIHNA

Synod Information Department buatsaih music chi kim hmanga huho zai (band) intihsiak thawh hnihna chu October 16-18, 2018 hian Mission Vêng Kohhran Hall-ah tih a ni a, Band 32 an intihsiak dawn a ni. He intihsiak thawh hnihna neih hma hian en  hna (rehearsal) tih vek a ni a. Branch tinin ÷awiwmtu mi 30 aia tam lo an nei thei. Round 2 Result hi Oct. 20, 2018 (Inrinni) zan dar 9:00-ah Hruaina Eng Channel atanga tihchhuah a ni ang.

SYNOD OFFICE KAI HUN CHHÛNG

Kum dang ang bawkin Synod Office kai hun tihdanglam a ni leh ta a, hetiang hian: October, 2018 - February, 2019 thleng zing dâr 9:30 ațanga tlai dâr 4:00.

RAM PUM HUAP REVIVAL BEIHPUI THAWH THUMNA

Synod Revival Committee-in 'Ram chu LALPA ta a ni' tih thupui hmanga ram pum huap beihpui a thlâk chu October thla bulah khân kumin atâna a thawh thumna chu Aizâwl khawpui chhûnga Bial 45-ah hman a ni a, thupui hi Synod Revival Speaker-ten an sawi. Nikum lam khan he beihpui hi ÷an a ni a, a hmasa berah Pastor leh Upaten thupui hi an sawi a; a hnu lamah erawh chuan thupui sawi tûr hian Synod Revival Speaker-te hman an ni. Nikumah khân beihpui hi thawh thum bawka kalpui a ni.

SYNOD HOSPITAL MOBILE CLINIC

Sept. 28, 2018 khân East Lungdâr Pastor Biala Vênglhun-ah Synod Hospital chuan Mobile Clinic a buatsaih a, thawktu 15 an kal a, Doctor Specialist panga kalin damlo 622 an en thei. Synod Hospital hian kohhran/bial eng emaw zât ațangin Mobile Clinic buatsaih tûra sâwmna a dawng a, thawktu an indaih loh avângin an tihlawhtling nghâl vek thei lo va, a tahtawla tihlawhtlin chhoh zêl an tum.

KOHHRAN INPUMKATNA LEH THAWH HONA CHUNGCHÂNG ZIR HO A NI

- *Upa R. Dêngzîkpuia*
Secretary, Mizoram Synod

A lo chhuah dân

Mizoram kohhrante inpumkhat nân leh thawh ho a nih theih nân hma lâk a ÷ul thu Aizâwl Bethel Presbytery leh Aizâwl East Presbytery-ten Synod Inkhâwmpui 2015-ah an rawn thlen a. Synod chuan Synod Executive Committee bawh zui tûrin a dah a. Synod Executive Committee chuan ruahmanna siamin 2016 Synod Inkhâwmpuia a thlen a, ruahmanna chu hetiang hi a ni:

1. Kohhran inpumkhatna leh thawh ho ÷ulzia leh ÷atzia kan kohhran mipui leh kohhran hruaituten an hriat theih nân consultation/seminar neih hmasak ÷ulin a lang a. Hmun tam thei ang berah consultation/seminar buatsaih ni se.
2. Mizorama kohhran hrang hrang hruaitute nân pawh zau taka inrâwn khâwmna neih ÷hain a hriat a. Amaherawhchu, keimahni rawt sa vek ÷m zui tûra indâwr ngawt lovin, anmahni nêna rawt tlân a nih theih nân kohhran hrang hrang hruaitute hmaichhana sawipui tûra dâwr ni se.

SEC rawtna hi Synod chuan ÷a a ti a, a ÷ul dân anga bawh zui turin a dah a. SEC chuan ngaihtuahin a ÷ul dân anga hma lâk chu Syond Officers Meeting-ah kutah a dah a. OM chuan Synod-in ruahmanna a pawm angin hma lâkna chi khat atân Kohhran inpumkhatna leh thawh hona kawnga seminar buatsaih a rêl ta a. Seminar paper ziaktu mi thiamte sâwmin Seminar chu buatsaih a ni ta a ni (*Ref Synod 2015:1; SEC 262:6/2016; 263:57/2016; Synod 2016:64; SEC 267:20/2017; OM 5:45/2017; OM 16:32/2017; OM 20:7/2017; OM 4:9/2018; OM 5:29/2017; OM 12:5/2018*).

Seminar thawh khatna

O.M-in a rêl angin Seminar thawh khatna chu Aizâwl District huam chhûnga Minister, Pastor, Pro. Pastor leh Kohhran tin aiawh pahnih ÷euh sâwm khâwmin July 6, 2018 Zirtâwpni-ah a hnuaiâ târ lan ang hian buatsaih a ni:

- Zone I:** Mission Vêng Kohhran Hall - ah mi 224 an kal.
- Zone II:** Zârkawt Kohhran Hall-ah mi 203 an kal.
- Zone III:** Bawngkawn Kohhran Hall-ah mi 232 an kal.

Seminar thawh khatna kal hi an vaiin 659 an ni.

Seminar thawh hnihna

September ni 27, 2018-ah Aizâwl District

tih loh District hrang hrang Seminar thawh hnihna chu buatsaih a ni leh a, hetiang hian:

Zone I: District pathum - Lunglei, Lawngtlai leh Siaha huam chhûng ațanga kal tûra sâwm/ruatten Lawngtlai Chanmari Kohhran Hall-ah hman a ni a, mi 149 an kal.

Zone II: Sêrchhîp District huam chhûng ațanga kal tûra sâwm/ruatten Sêrchhîp Kawnpui Kohhran Hall-ah hmangin mi 220 an kal.

Zone III: Champhai District huam chhûng ațanga kal tûra sâwm/ruatten Champhai Vêngthlang Kohhran Hall-ah hmangin mi 292 an kal.

Zone IV: Kolasib District huam chhûng ațanga kal tûra sâwm/ruatten Kolasib Diakkawn Kohhran Hall-ah hmangin mi 185 an kal.

Zone V: Mamit District huam chhûng ațanga kal tûra sâwm/ruatten Mamit Kohhran Hall-ah hmangin mi 204 an kal.

Seminar thawh hnihna kalte hi an vaiin 1,050 an ni.

Zone tina tel tur Kohhran hi O.M chuan a ruahman sa vek a. Seminar kaihrui tûr leh paper chhiar tûr pawh Synod Puipate bâkah Minister remchângte ruat an ni baw. Kal tûra beiseite kal kim thei lo mah se kal an ÷a thawkhat a, a lawmawm hle. A thlengtu kohhranin inhawng takin an thleng ÷euh va, kohhran ÷henkhat phai chuan tûkthuan lo buatsaih te a ngai a, chu bâkah chhûn thingpui leh a hmeh chu a thlengtu hian tumin, tlai takin a kalte an hrai thei ÷euh baw a, a lâwmawm hle.

Sawihona

Seminar-ah hian chawhma leh chawhnuah sawi ho tûr a awm ve ve a. Sawihonaah sawi duh neiten an sawi kim hman lo deuh vek a, seminar hlawhtling tak niin a lang. Sawihonaah hian thil tam tak sawi a ni a, a tlângpui chauh tak takin hetiang hian târ lang ila:

1. Tûn hma lama chhim leh hmâr kohhrante pakhat ang maia inpumkhatna leh thawh hona ÷

Phek 2-naah zawm...

SYNOD Newsletter

EDITORIAL STAFF

Rev. Dr. C. Chawngmingliana
Rev. PC Pachhûnga
Upa H. Ronghâka
Rev. R. Laldinthara

Editorial

TEI REI PEIHNA

Hun a duh rei vâng emaw a hautak êm avâng emawa tâwpsan mai lova tih chhonzawm zêl hi 'tei rei peihna' chu a ni ti ila a buk thelh a thelh chu a ni êm lo vang chu maw. Tei rei peihna chu tumruhna nen a kal dún thîn. Tei rei peihna a awm loh chuan harsatna a pal tlang theih loh. Tei rei peih mi chuan a hlawhchhamna aţangin thil nasa tak a zir chhuak a. Tumruhna nêna a bei ţauh ţauh va, hlawhtlinna a lo kuhmûm a, a tâwpah pâr mawi tak arawn chhuah thîn.

Pên khat lek leka pên chhet chhetin miin tlang an lâwn chhuak thîn. Tlang sâng tak lâwn chhuak tûrin pên khat chauh pawh a pawimawh hle. Pên khat tel lovin tlang a lâwn chhuah theih loh. Hlawhtling tûr chuan tei rei peih a ngai. Vawi hnih khat hlawhchhama tâwpsan chuan hlawhtlinna a thlen lo. Tâwpsan lova tumruhna nêna bei fat fatte erawh an hlawhtling thîn. Thomas Alva Edison-a khân electric bulb hmuh chhuah tumin nasa takin a bei a. Vawi sâng têt a hlawhchham hnuah electric bulb chu a hmu chhuak ta nge nge a nih kha. Chu pawh chu a tei rei peih vâng chauh a ni.

England ramah kuan mipa naupang ţawng fiah thei mang lo hi a awm a. Mi tumruh tak a nih avângin a lehkha zirnaah pawh a hlawhtling hle rêng a. Vawi khat chu sipaiah ţan ve a tum a, "Sipai atân chuan mipa chauh kan duh," tiin an lo hnâwl a. Mahse, a beidawng duh mai lo. A hlawhchhamna chuan tumruhna nasa zâwk a neihtîr a. A tâwpah chuan England Prime Minister a lo ni ta hial a ni. Chu pa chu Winston Churchill-a hi a ni. A hmang thiam tân chuan hlawhchhamna hi hlawhtlinna kailâwn a ni thei. Hlawhchhamna hi hlawhtlinna kailâwna hmang tûr chuan tumruhna leh 'tei rei peihna' neih a ngai a ni.

ha kan neih theihna chhan chu kan missionary-te inpêkna thûk tak leh anmahni pawh an inpumkhat vâng a ni tih a hriat theih.

2. Kohhran inpumkhatna leh thawh hona tlâk hniamna chhan thenkhat hi khawtlâng nun lo danglam ta leh politics boruak ţa lo hrin niin a lang.

3. Kohhran inpumkhatna leh thawh hona ţa lo hian khawtlângah tih dân phung inang lo leh kohhran kal phung inang lo a hring chhuak a, khawtlâng nunah nghawng ţa lo a nei thei a ni.

4. Inpumkhatna leh thawh hona ţa lo hian hna bing leh chi bing pawh a hring chhuak thei a, hei hian Mizoram kristiante hi dinhmun ţ ha lo takah min hruai lut thei a, chuvângin inpumkhatna lam hawia ţan kan lâk hi a pawimawh hle a ni.

5. Inpumkhatna leh thawh hona hian hnam pakhat kan nihna a vawng nung zual ang. Hnam issue thilah a huhova chêt a tûl châng leh nawr a tûl châng pawhin inpumkhatna leh thawh hona ţa kan neih tlat chuan hnam anga kan thil nawr hian awmzia nasa takin a nei ngei ang.

6. Kohhran inpumkhatna leh thawh hona chungchângah organic

unity hi duh thusâm a ni; mahse, thil harsa tak niin a lang. Mizoram Kohhran Council neih pawh hi kan kohhran hruaitute hian duh tak tak se chuan thil ţa tak a ni.

7. Mizorama Protestant Kohhran pâwl hrang hrangte hi zai khata luan leh theih dân chu awm se, duh thusâm a ni e. Amaherawhchu, tûn dinhmunah chuan thil harsa a nih tawh hmêl.

8. Mizorama kohhran hrang hrangte hi kan inpumkhat zâwk nân seminar paper-a târ lan ang hian Literature, music, sual do kawngah leh thil dang dangah tûn ai hian thawh hona hi nei ţa ila, kan inpumkhatna chu a ţa leh zual ang.

9. Inpumkhatna leh thawh hona hi a tak taka kan kalpui dâwn a nih chuan a tua-te pawh hian kalsan tûr leh inhnuh hniamna tûr kan nei vekin a lang a, chu chu kan ngam hun hunah kohhran inpumkhatna leh thawh hona ţa chu kan nei thei mai ang.



Kohhran Inpumkhatna leh Thawh Hona Seminar, Marm

DELHI MIZO PRESBYTERIAN CHURCH WEST HAWN A NI

Kum 2007 aţanga mumal taka Delhi khawpui khawthlang lama inkhâwm thîn 'Mizo Christian Fellowship' chuan Kohhran-a awm duhin 'Presbyterian Kohhran'-a luh an rêt a. An duhna te Delhi Kohhran (DMPC)-ah thlenin, Delhi Kohhran hruaitute nêna pawh ţum eng emaw zât an inkhâwm a, an dinhmunte ngun taka zir chian a nih hnuah Synod Officers' Meeting (O.M) hnênah thlen a ni ta a. Synod O.M-in ngun taka a ngaihtuah hnuah Branch Church-a hawn rem tiin, September 16, 2018 (Pathianni) khân Delhi Mizo Presbyterian Church-West chu Delhi Pastor Bial vawngtu Pastor David Lalramliana Râltê-in a hawng ta a ni.

Kum 2005 daih tawh aţang khân he Mizo Christian Fellowship (MCF) hi a lo inmung tawh a, Zo hnahtlâk dang Lai, Zomi leh Hmâr te anga pâwl din te pawh an rêt a. An remchân dân angin Pathianni chawhnuah te an inkhâwm ve ţan a, kum 2007-ah hruaitute inthlangin, mumal takin an inkhâwm cho ve ta a. Kohhran serh leh sâng tih dâwnin Mizoram Synod hnuai mi, Delhi Mission Field Secretary leh Pastor remchângte an pun thîn a. Awmze nei zâwka Kohhran inrelbâwlna hnuai a awm duhin an Annual General Body Meeting-in an Fellowship chu thiata Presbyterian Kohhran-a luh hi an rêt ta a ni.

DMPC-West Kohhran (Branch Church)-ah hian member 170 vêt awm tûra chhût a ni a. Mizoram lam angin a huam tûr chin sawi mai theih a ni lo va. Tûna inkhâwm mête bâkah pawh a remchân

dân angin hunin a la hril zêl mai tûra ngaih a ni. Mizoram leh hmun dang aţanga Delhi West lama Mizo rawn awm/pêm rêng rêng ten an belh tûrin Delhi West Kohhran hi din a ni. Delhi Mizo Presbyterian Church Bial hnuai Kohhran puitling la ni chiah lo mah se, Kohhran pahnih Delhi Kohhran (DMPC) leh Delhi West Kohhran (DMPC-West) a awm ve dâwn ta a ni.

DMPC-West Branch Church Hruaitute:

Chairman	: Upa R.Lalropuia
Vice Chairman	: Pu Hrângachhûnga
Secretary	: Pu F.Lalremruata
Asst. Secretary	: Pu Lalchhûnga
Fin. Secretary	: Pu Lalhminglûa
Treasurer	
(Tualchhûng)	: Pu Lalchhanchhuaha
Treasurer	
(Synod sum)	: Pu C.Lâwmkima

Râl Vêngtu

Mite chu Râl Vêngtu zin hâwng kâwm tûrin an lo kal khâwm a. "Râl Vêngtu, i zin chanchin ngâithla châkin kan lo kal khâwm a ni," an ti a. Râl Vêngtu chuan, "Nikum lam khân dâwt sawina khâwl leh nauawmna khâwl chungchâng kha ka sawi a, ngaihnawm in ti hle khân ka hria a. Ka zinna lama ka khâwl hmuh thar pakhat ka'n hrilh ang che u."

"Tûn tûm ka zin chu Mizoram hmun hrang hrang leh khawvêl hmun hrang hrang ka tlawh kual viau mai a. Khâwl ropui tak ka hmuh chhuah chu 'Hun khawh ralna khâwl' a ni," a ti a. Mite chuan, "E! A va mak ve, chutiang khâwl a lo awm a ni maw? Han sawi zêl teh," an ti a. Râl Vêngtu chuan, "Ka kalna apiangah- mahni chauhva awm a ni emaw, thian zaho awm khâwm an ni emaw, mipui pun khâwmnaah a ni emaw Mobile phone hi an khawih sup sup mai a. Thênkhat phei chuan two wheeler hnunga chuang chung pawh hian rem leh rem lovin an mobile phone hi an sik mawlh mawlh mai. Chhûngkua an thut khâwm pawhin han titi hona hun pawh an nei thei lo. Thu ho dal e ti lo chuan inbe miah lovin an mobile phone an khâl char char theuh mai. An hun khawh ralna tam ber chu mobile phone hi a lo ni. Hei hi Mizoram chauh a ni lo, foreign lamah pawh a lo ni ve tho mai. Chuvâng chuan mobile phone hi 'hun khawh ralna khâwl' ka ti mai. Mahse, foreign lamah chuan Office leh an hnathawh lai chuan an mobile phone an khâl ve lo, hna an thawk ngar ngar mai a ni. A tûl tâwpah chuan mi biak nân an hmang zawk zawk chauh zu nia! Mizoramah erawh chuan Office hnathawh tam takte hi chuan mahni hna thawk hman lêk lo hian an mobile phone an sik neuh neuh reng mai. Hei hi thil tha lo tak a ni," a ti a.

Mite chuan, "A ngaihnawmin a va dik tak. Keini pawh inen lêt kan ngai a nih chu. He hun khawh ralna khâwl hian kan hna thawh tûr thawk hman lêk lovin min thunun tlat tawh a nih hi. Chhûngkaw inkawm hona tichhe khawp phei chuan hman miah loh tûr a nih hi. Keimahnin i thunun tlat tawh zâwk ang u," tiin an haw ta dam dam a.

SYNOD HOSPITAL, DURLÂNG AUGUST, 2018 CHHÛNGA THILPÊK DAWNTE

I. CHARITY FUND

1. Pi Ngûrsiami, N.E Khawdungsei	Rs	2,000/-
2. UPC(NEI), Durlâng Bial	Rs	7,000/-
3. Pu Lalramena Râltê, Durlâng Dâwrkâwn	Rs	1,000/-
4. Pu Rosawmliana Vârtê, Durlâng Leitan	Rs	1,000/-
5. Pi. L.Zotawni, Sister, Synod Hospital	Rs	2,500/-
6. Sairâng Kohhran	Rs	20,000/-
7. KÏP, Biate Bial	Rs	10,000/-
8. KÏP, Khawruhlian Bial	Rs	2,000/-
9. Chawngtlai Bial	Rs	2,000/-
10. Jenny Lalhimpuii Hmâr leh Alvin Lalruatmawii, Aizâwl Vênglai	Rs	10,000/-
11. KÏP, Bawlte Branch	Rs	1,000/-
12. Sacrament Dept, Sêrchhîp Kâwnpui Kohhran	Rs	2,100/-
13. Sairâng Bial	Rs	20,000/-
14. Lungdai Kohhran	Rs	1,000/-
15. Andrew-a, Kolasib	Rs	1,000/-
16. Zodinthara, Zârkawt	Rs	3,500/-
17. Malsâwmkimi, Kâwnpui	Rs	500/-
18. Kâwkuhl Kohhran Pavalai Pâwl	Rs	5,000/-
19. KÏP, Suarhliap Bial	Rs	2,000/-
20. KÏP, Khawzâwl Vêngthar Bial	Rs	5,000/-
21. Pu Lalsanglûra, Durlâng Mèl 5	Rs	1,000/-

II. THISEN PETE

1. KÏP, Dâwrpui Vêngthar Branch	30 Units
2. KÏP, Bethlehem North Branch	19 Units
3. KÏP, Bethlehem Vêng Branch	36 Units
4. KÏP, Phunchawng Branch	10 Units
5. KÏP, Vênghlui Branch	30 Units
6. KÏP, Lungdai Bial	32 Units
7. KÏP, Aizâwl Branch, Vênghlui, Aizâwl	32 Units

III. GRACE HOME TÂN

1. 1972 GNM Batch, Saron Vêng, Aizâwl	Air Mattress 1
2. Malsâwmtluanga Royte, Qatar	Clothes Dryer 1
3. U.K Zofate	Khum 2 leh IV Stand 3
4. Airfield Vêngthar Bial Kohhran Hmeichhia	Rs 5,000/-

IV. THIL DANG PETE

1. KÏP, Airfield Vêngthar Bial	Thutthlengsei (Bench) 5
2. Pu K.Lalêngthuama, Bethlehem Vêng, Aizâwl	Eye Camp pual Rs 500/-
3. Zonunthari, Bethlehem Vêng, Aizâwl	Eye Camp pual Rs 500/-
4. Pi Malsâwmkim, Kâwnpui Chhim Vêng	Casualty-a
A pasal Lalthuama (L) hriatrenng nân	hman tûr Floor Fan 1
5. Airfield Vêngthar Bial Kohhran Hmeichhia	Hmunphiah 30
6. KÏP, Hunthar Bial	Water Filter 3
7. M/S Am Drugs & Surgical, Guwahati	Disable Surgical Eye Drops 100 nos. 8.
8. KÏP, Chanmari Branch, Aizâwl	Palliative Home Visit nân Rs 10,000/-
9. KÏP, Bethlehem Vênglai Bial	Thutthlengsei (Bench) 5
10. Pu K.C Kapthianga, Hospital Campus	Eye Camp dam lote tân Dark glass 98
11. Pu C. Châmliana, Mission Vêngthlang	Swabstick thahnem tak
12. LH Thanga Enterprise, Ramhlun North	Casualty-a hman tûr Operator Console (Rs. 9,032/- man)

VI. PAWISA DAWN ZAWNG ZAWNG -

I. Rs	99,600/-
II. Rs	5,000/-
III. Rs	11,000/-
Total	Rs 1,15,600/-

Khawngaihna leh duhsaknaa thilpêk min petete zawng zawng hnênah Lalpa Isua Krista hmingin lâwmithu kan sawi tak meuh meuh a ni. Heng in thilpêk kan dawnte hian dam lo awm man harsate thlamuang takin a awmtîr a, Hospital mamawh tam tak min phuhrûksak baw a ni.

Sd/-
(REV. R. RAMDINMAWIA)
Chaplain, Synod Hospital, Durlâng.

CKÏP HUAIHAWT RAM PUM HUAP TAWNGTÂI RUAL

KÏP General Conference wawi 57-na West Phailênga neihah khân ram pum huapa tawngtâi rual rawtna agenda pakua a lut a. Chûngte chu hlâwm khata lain, 'Kum 2018 chhûngin MLA General Election pual, sual thupha chawi, ruihhlo ngaite leh member hlate pualin ram pum huapa tawngtâi rual ni rawh se' tiin rêt a ni. Hemi bawh zui hian Aug 27, 2018 (Thawhtanni) zân inkhâwm bânah tawngtâi rual a ni a. A khâr nân Oct. 6, 2018 (Inrinni) chawhma dâr 11:00 aţanga chawhnu dâr 2:00 chhûng khân AR Lammualah hun hman a ni.

Ram pum huap tawngtâi rual khârna AR Lammuala hmanah hun khatnaah Rev. F. Lalrinnunga, Synod Moderator-in Pathian thuchah a sawi a, Member hlate pual leh Ruihhlo ngaite pualin tawngtâi a ni a. Hun hnihaah Rev. B. Sangthanga, Executive Secretary i/c Kristian Thalai Pawl chuan thuchah sawiin, Sual thupha chawina, MLA General Election pual leh Zoram thalaite pualin tawngtâi a ni. AR Lammuala tawngtâinaah hian Aizâwl khawpui chhûnga KÏP member leh kohhran nu leh pa 1,000 chuang an tel thei.

Tawngtâi rual Sêrchhîp District-ah chuan Chhimchhak Presbytery huapin

Leisekawt Field-ah hman a ni a, Champhai khawpuiah pawh Kahrawt Field-ah hman a ni. Siahaah chuan Saiha Kohhran Hall-ah tawngtâi rualin, Kolasib khawpuia Bial hrang hrangten Kolasib Vênglai Kohhran Biak Inah an hmang a, Mamitah hian Mamit Bazâr Vêng Kohhran Biak Inah an hmang baw. Lawngtlai Chanmari leh Lawngtlai Bialten Lawngtlaia Prayer Mount-ah tawngtâi rual hi an hmang a, Lungleia Pastor Bialten Lungleia Chanmari Kohhran Biak Inah an hmang baw. N. Vânlaiphaiah pawh N. Vânlaiphaiah Bial leh N. Vânlaiphaiah Damdawi Vêng Bialten a huhoi tawngtâi rual hi an hmang thei.

AGENT-TE TAN

Chanchinbu chhuah leh chhuah loh, a copy tihbelh etc chungchâng inhriattîrna whatsapp group-a telh (add) duh chuan

hêng number-ah te hian inhriattîr ni se.
Kristian Tlângau atân - 7005406813
Synod Newsletter atân - 9862331632
Kristian Naupang atân - 9862473218



TLÂNGPUI KOHHRAN (Sialhâwk Bial) chuan ni 8-16 Sept., 2018 chhông khân Krista Chhiahhlawhte Team, Pu Lalthakunga leh a thiante ruaiin Crusade an nei a. Kohhrana mi hlâte leh hnungtawhlte hruai kîrin, Kohhranhote an hlimin an lâwm hle.

BÂKTÂWNG VÊNGLAI KOHHRAN chuan kum 2018 Beihruai Centenary chu ni 29 September, 2018 (Inrinni) khân ropui takin ruai nêan an lâwm a. Beihruai Centenary lungphun Bialtu Pastor Benny Lalmawia'n hawngin, Centenary dâr vuak a ni bawk. Ni 29-30 September, 2018 chhông khân Crusade neih a ni a, Speaker atân Bialtu Pastor hman niin, Beihruai chhônga inkhâwm kim mi 36 te hnênah Kristian Hlabu pêk a ni bawk.

SAWMNA

MAMIT LUNGSIR KOHHRAN chuan ni 23-28 Oct, 2018 chhông hian an Kohhran kum 25 tlin (Silver Jubilee) lawmna hun an hmang dâwn a. Lungsîr Kohhrana lo lawi tawh zawng zawngte Jubilee lawmna hun hmanpui tûr hian an sâwm a ni.

DÂRLÂWN PASTOR BIAL KTP chuan ni 26-28 October, 2018 chhông hian Golden Jubilee lawmna hun an hmang dâwn a. He hunah hian Bial chhônga lo awm tawh zawng zawngte tel vek tûrin an sâwm.

CHUNGTLÂNG KOHHRAN chuan ni 11.11.2018 (Inrinni) dâr 11:00am hian Biak In thar an hawng dâwn a. Reiêk Biala Chungtlâng Kohhran awm lai leh Rawpuichhîp Biala awm hnuah Pastor leh Pro Pastor lo awm tawh zawng zawng leh he Kohhrana lo lawi tawh zawng zawngte he hun hman pui tûr hian an sâwm.

KOHHRAN HMING ZIAH DÂN

Presbyterian Church of India hnuahia Synod hrang hrangten mahni duh ang anga kohhran hming an ziah thîn chu ngaimawhin Mizoram Synod-in PCI General Assembly-ah inang tlânga ziah rawtna a thlen a. Kum 2016 PCI General Assembly chuan inang tlânga kohhran hming ziah dân chu remtiin, PCI Executive bawh zui tûrin a dah a. PCI Executive Committee-in inang tlânga ziah dân a siam chu kum khat zet hman a nih hnuin, Synod thenkhatin sum vawna leh ram hmunhma neitu hming inziah luh (register) tawh dân tihdanglam chungchangah harsatna an tâwk ta a. PCI Executive Committee chuan hemi chungchâng zir Chiang tûr hi a siam a, zir chian a nih hnuah hetiang harsatna a lo awm tak avâng hian tûn hmaa hming ziah dân anga kal leh chu thain a hria a. Chuvângin, Mizoram Synod pawhin tûn hmaa lo ziah thîn dân angin hetiang hian ziah leh mai tûrin Synod Officers' Meeting chuan a rel:

MIZORAM PRESBYTERIAN KOHHRAN (Presbyterian Church of India)



PRESBYTERY/BIAL/KOHHRAN HMING/DEPARTMENT

MISSIONARY TRAINING COLLEGE HRIATTIRNA

Missionary Training College (MTC)-ah Bachelor of Missiology (B Miss) zir duh tân dîl theih a ni leh ta. Dîlna Form leh Prospectus hi ₹50 in office hun chhôngin MTC Office aţangin lâk chhuah theih a ni e.

Dîl thei chin : CI XII pass chin
Dîl theih hun chhông : 1st November, 2018
– 15th February, 2019
Written Test : February 26, 2019
Interview : February 28, 2019

Sd/- Principal
Missionary Training College
Mission Vêngthlang
Ph : 2310157/2301337/9612164982

PRESKOM DAY VAWI 107-NA

Ni 1.10.2018 khân PRESCOM Day vawi 107-na chu Synod Press-ah lawm a ni a. Kum 2011 khân an department kum 100-na (Centenary) pawh an lo lâwm tawh a ni.

PRESKOM kan tih hi Presbyterian Communications Department tihna a ni a, unit pathum – GAD, Synod Press leh Synod Bookroom te an ni a, an vaiin mi 100 bâwr vêl thawktu an awm a ni. Pu Lalhruiatluanga Râlâtê, General Manager-in Day lawmna inkhâwm a kaihrui a, Upa Vânhêla Pachuau, IAS (Rtd.)-in fuihna thu a sawi.

Press Manager Upa Lalthanpâra, Bookroom Manager Pu Lalniliana leh Accountant Pi Rosie Lalhmingmawii ten report an pe bawk. PRESCOM Day-ah hian pensioner-te sâwm an ni a, an kal thâ hle. Tlaih zânriah an kîl ho ngâl a ni.

PRESBYTERY INKHÂWMPUI

Presbyterian Kohhran Inkhâwmpui rorêna pawimawh tak Presbytery Inkhâwmpui chu Mizoram Presbyterian Kohhran Synod hnuahia Presbytery tam ber chuan October 11-14 chhông hian an hmang hlawm. Nikum 2017 Synod-in a pawm inchhiarnaah khan Mizoram Synod hnuahia hian Presbytery 49 a awm a, kumin chhôngin Presbytery thar pahnih - Khawthlangtupui Presbytery (Lunglei West Presbytery aţanga indang) leh Patkai Presbytery (Arunachal & Assam Mission Field East-a mi) hawn a ni a. Tichuan, Presbytery hi 51 a awm mêk a ni. Presbytery Inkhâwmpui hian Pastor Bial aţanga rorêl tûr lûtte a rêl bâkah an huam chhônga Kohhran Upa thlan tlinte a nemnghet a, Kohhran Upa thite sùn an ni bawk thîn.

Kum dang tih thîn angin Synod Puipate chuan hetiang hian Presbytery hmanpuiin an kal:

Sl. Hming & nihna	Presbytery
1. Rev. F. Lalrinnunga, Moderator	Kolasib
2. Upa R. Dêngzîkpuia, Secretary (Sr.)	Chhimtawp
3. Rev. R. Vanlalngâka, Secretary (Jr.)	Chhawrpial

4. Rev. P.C. Pachhûnga, Finance Officer	Hmarphei
5. Rev. H. Remthanga, Finance Officer	Khawthlangtupui
6. Rev. R. Lalnuntluanga, Statistician	Aizawl West II
7. Rev. Lalramliana Pachuau, Sr. Executive Secy.	Aizawl Bethel
8. Rev. B. Sângthanga, Executive Secretary	Lunglei East